


Alkitab Anggen Anak Alit



Dane Elisa,
Manusa
Muzisat



Kasurat olih: Edward Hughes

Kaperagayang olih: Lazarus
Alastair Paterson

Ka tempa saking: Ruth Klassen


Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org


©2024 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.

Di tegalan tongos petani ne lakar nenggala tuah ada sampi
muani ukud dogen, yen lakar anggo nengala nu kuangan buin ukud.
Yadiastu buke keto petani ane madan
Elisa sing ja buung nengala.




Dane ngedeng tengalane mepasangan ajak sampine, ngisinin tongos sampine buin ukud. Dane suba pasti anak ane siteng, demen megarapan lan anak ane wicaksana.




3

Rikala dane Elisa sedeng nengala, dane nabi Elia rauh ngaukin. Anak truna ento lantag ngutang gegaen di tegalane, kadadiang kaulan Ida Sang Hyang Widi. Sedek dina anu, Ida Sang Hyang Widi ngangkat dane Elia ke swargan. Ane jani dane Elisa dadi Nabin Ida Sang Hyang Widi buat bangsa Israele.




4

Dane Elisa sedih ati uli krana dane Elia sube mati, ipun ngestawa ring Ida Sang Hyang Widi nunas ica apange Ida Hyang Widi ngicen ia kuasa ane patuh cara kuasan dane Elia.




5

Dane Elisa ngambil jubah nyane dane Elia ane lakar anggone nglempag yeh tukade ane sedeng membah patuh care ane kalaksanayang olih dane Elia. Yeh tukade lantag belah dadi dua!



6


Ane jani dane Elisa nawang Ida Sang Hyang Widi Wasa ane nyarengin ragane.



Rikala dane Elisa ke kota ane madan Betel, makudang-kudang anak ngewerin ia, buka kene, "eh anak lengar, anak lengar!" Ia tusing ja lingu yening dane Elisa ento dadi kaulan Ida Sang Hyang Widi. Paundukan ane ngagetin kealamin olih anake ento. Ada beruang lua dadua pesu uli alase nyagrep tur ngugutin anak-anak cerik ane liune petang dasa diri.

7

Sedek dina anu dane Elisa ketemu teken anak balu ane ngelah utang lan ia tusing nyidang mayah utangne ento. Apange pipisne mulih, penagih utang ento teka nyemak maka dadua pianak anak balu ento, lakar dadiange budak.



"Kemo ja ngidih payuk teken tetangga-tetanggan semetone ... payuk-payuk ane puyung," baos dane Elisa. Ida Sang Hyang Widi Wasa ngelaksanayang muzisat ane ngangobin pesan buat anak eluhe ento.


8

Anak balu ento ngelah pucung cenik misi lengis jumahne. Ia lantas mriokang lengise ento di payuke, jeg saget makejang payuke ento nyidang bek misi lengis. Miribang yen ia ngelah bak di kamar mandi, apeke mirib Ida Sang Hyang Widi nyidang ngebekin bak kamar mandi ento bek misi lengis? Anak luh balune ento ngadep lengisne lan pipisne anggone nebus pianak-pianakne.



9

Anak luh ane lenan ajak kurenane ngae kamar khusus jumahne buat dane Elisa nginep yen dane Elisa rawuh. Di kamare ento misi dipan tongos pules, meja lan kursi, tur lampu sentir. Kamare ento kesediang buat dane Elisa.




10

Dane Elisa dot pesan ngewales kebecikan keluargane ento. Rikala dane Elisa nawang ia tusing ngelah pianak, dane ngorahin ia unduk ane sukeh ketrima, yen kepinehin nganggon akal sehat, olih anake eluh ento. "Di dinane cara jani, buin tiban, semeton lakar nyangkol rare muani." Buin tibane, rare muani ento lekad.



11


Sesubane anake ento kelih, ia sedeng di tegale ajak bapane. "Aduh sirah tiange, sirah tiange," anak ento jerit-jerit. Bapane ngajak pianakne mulih ngalih memene, ia negak di pabinan memene nganti tangan wai, lantas ia mati. Memene ngejang ia di kamar dane Elisa. Miriban nyen ane nyidang nulungin anak luh ene?



12

Apeke Elisa? Beneh pesan! Ia gegeson ngalih dane Elisa sambilange negakin keledai. Dane Elisa nekede di umah anak luh ento, lantas menek padidi ke lotenge buat ngastawa nunas ice ring Ida Hyang Widi. Ida Sang Hyang Widi ngadakan anak ane mati ento buin idup. Dane Elisa nyeritin anak luh ento lan mebaos

kene, "Sangkol ja pianak semetone ene!" Anak luh ento liang pesan.




13

Tusing joh uli tanah Syria, ada komandan pasukan adane Naaman nengil ditu. Ia anak ane sing ngelah rasa takut lan siteng pesan, sakewala ia sedeng sakit kusta ane ganas.




14

Kurenan dane Naaman ngelah pelayan, anak luh cerik, tawanan uli Israel. Anak luh cerik ento ngomong kene, "Yening dane Naaman tangkil ring nabi ane ada di Samaria, nabine ento sinah lakar nulungin nyegerang dane uli sakitne."



15

Dane Elisa siap-siap tangkil ring dane Elisa, nabi ane ada di Samaria. Dane ngaba gagasan perak, mas lan penganggo ane melah buat dane Elisa.




16

Kaulan dane Elisa pesu tur matur, "Kema ja jero manjus ping pitu di tukad Yordane, jero pasti lakar seger." Dane Naaman sekel ati. Mirib dane komong kene di kenehne, apake tusing ada tukad ane yeh ne ening tongos manjus, di Syria? Dane Naaman pedih pesan, ia melipetang lan megedi sambilange memedih.




17

Aget ada kaulan dane Naaman ngorahin apange dane nuutin prentah dane Elisa. Lantas dane Naaman tuun ka tukade, tur nyilem ping pitu, rikala dane nyilem di ping pitune, dane seger uli penyakit kustane. Lantas dane Naaman memuji ngaluwihang parab Ida Sang Hyang Widi, Widin dane Elisa, Widi ane ngadakang ia seger uli sakit kustane.



18

Ida Sang Hyang Widi mrabotang kaulan Idane, yadiatu dane Elisa suba mati. Sedek dina anu, ada anak muani ane kuburange di gua tongos penguburan dane Elisa makudang-kudang tiban ane suba lewat. Rikala awak anak mati ento ngeninin tulang dane Elisa, anake ento lantas bangun majujuk. Nah, Ida Sang Hyang Widi suba nyinahang kuasan Idane teken kaulan Idane ane ngelah iman, Elisa.



19

Dane Elisa, Manusa Muzisat


Wenten katuturan carita saking pengandika Ida sang Hyang widi mewasta Alkitab,

dados sobyahang ring

2 Pra Ratu 2-13

"Pemargin saking pengandika Ida Ngicenin Karahayuan."
Mazmur 119:130

20



Puput

25



60

21

Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

22